

სახელმწიფო შესყიდვების შესახებ ხელშეკრულება №03-09-01/20

ქ. თბილისი

3 სექტემბერი 2020 წელი

ერთი მხრივ, საჯარო სამართლის იურიდიული პირი - საქართველოს ფინანსური მონიტორინგის სამსახური (შემდგომში „შემსყიდველი“), წარმოდგენილი მისი უფროსის ვალერიან ხასაშვილის სახით, და მეორე მხრივ, შეზღუდული პასუხისმგებლობის საზოგადოება „ორიენტ ლოჯიკი“ (შემდგომში „მიმწოდებელი“), წარმოდგენილი მისი დირექტორის მინდობილი პირი ალექსანდრე ბაგრატიას სახით, „სახელმწიფო შესყიდვების შესახებ“ საქართველოს კანონის 16¹ მუხლის გათვალისწინებით და მიმწოდებლის სატენდერო წინადადების საფუძველზე, შემსყიდველის მიერ ელექტრონული ტენდერის (სატენდერო განცხადება №NAT200012278) ჩატარების შედეგად ვდებთ წინამდებარე ხელშეკრულებას (შემდგომში „ხელშეკრულება“) შემდეგზე:

მუხლი 1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს მონაცემების გაჟონვის პრევენციის პროგრამული უზრუნველყოფის ("DLP სისტემა") და მისი მხარდაჭერის (შემდგომში „შესყიდვის ობიექტები“) შესყიდვა დანართ N1-ში მოცემული ტექნიკური მონაცემებისა და ხელშეკრულების პირობების შესაბამისად (CPV კოდი 48730000).
- 1.2. დანართი №1 წარმოადგენს წინამდებარე ხელშეკრულების განუყოფელ ნაწილს.

მუხლი 2. ხელშეკრულების შესრულების კონტროლი

- 2.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი მიმწოდებლის მიერ ნაკისრი ვალდებულებების შესრულებაზე, მათ შორის მომსახურების ხარისხის პერიოდული ინსპექტირება.
- 2.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 2.3 ხელშეკრულების ამ მუხლით გათვალისწინებულ ინსპექტირებას განახორციელებს სსიპ საქართველოს ფინანსური მონიტორინგის სამსახურის ადმინისტრაციული სამმართველოს უფროსი - პირველადი სტრუქტურული ერთეულის ხელმძღვანელი თამარ კალანდაძე.

მუხლი 3. შესყიდვის ობიექტის მიღება-ჩაბარების წესი

- 3.1. მიმწოდებელმა შესყიდვის ობიექტების შემსყიდველისათვის მიწოდება უნდა განახორციელოს ერთიანად ხელშეკრულების გაფორმებიდან, არაუგვიანეს 14 სამუშაო დღისა, შემდეგ მისამართზე: ქ. თბილისი, ზ. ფალიაშვილის ქ. N83.
- 3.2. შესყიდვის ობიექტები ან მათი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ შედგენილი მიღება-ჩაბარების აქტის გაფორმების შემდეგ. შესყიდვის ობიექტების მიწოდების საბოლოო შემოწმების ადგილია შემსყიდველის ფაქტიური მისამართი.
- 3.3 შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული საქონლის და წუნდების მიზეზის მითითებით.

3.4 შემსყიდველის მხრიდან მიღება-ჩაბარების აქტზე ხელმოწერის უფლებამოსილების მქონე პირად განისაზღვროს სსიპ საქართველოს ფინანსური მონიტორინგის სამსახურის საინფორმაციო ტექნოლოგიების სამმართველოს უფროსი - პირველადი სტრუქტურული ერთეულის ხელმძღვანელი კახაბერ სხულუხია.

მუხლი 4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული შესყიდვის ობიექტების საერთო ღირებულება შეადგენს 4410.00 (ოთხათასოთხასათი ლარი და 00 თეთრი) ლარს.
- 4.2. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 4.3. მიწოდებული შესყიდვის ობიექტების ღირებულების გადახდა ხორციელდება უნაღდო ანგარიშსწორების წესით.
- 4.4. ანგარიშსწორება ხორციელდება წინამდებარე ხელშეკრულების 3.2 პუნქტის შესაბამისად შესყიდვის ობიექტის მიღებიდან და მიმწოდებლის მიერ სათანადო დოკუმენტაციის წარმოდგენიდან (იმისდამიხედვით რომელი უფრო გვიან მოხდება) არაუმეტეს 10 (ათი) სამუშაო დღის განმავლობაში.

მუხლი 5. მხარეთა ვალდებულებები

- 5.1. შემსყიდველი კისრულობს ვალდებულებას წინამდებარე ხელშეკრულების შესაბამისად დროულად და სრულად მოახდინოს მიმწოდებელთან ანგარიშსწორება.
- 5.2. მიმწოდებელი კისრულობს ვალდებულებას:
 - 5.2.1. ხელშეკრულებით განსაზღვრულ ვადაში მიაწოდოს შემსყიდველს წინამდებარე ხელშეკრულების პირველ მუხლში მითითებული შესყიდვის ობიექტები;
 - 5.2.2. შესყიდვის ობიექტების ნაკლის აღმოჩენისას მოახდინოს ნაკლის გამოსწორება თავისი ხარჯით;
 - 5.2.3. უზრუნველყოს ხელშეკრულებით ნაკისრი ვალდებულების დროულად და სრულად შესრულება.

მუხლი 6. გარანტია

- 6.1. მიმწოდებელი კისრულობს ვალდებულებას გადასცეს შემსყიდველს უფლებრივად და ნივთობრივად უნაკლო შესყიდვის ობიექტები. შესყიდვის ობიექტების ხარისხი უნდა შეესაბამებოდეს ამ ტიპის საქონელზე მოქმედ სახელმწიფო და/ან საერთაშორისო სტანდარტებს.
- 6.2. მიმწოდებელი იძლევა იმის გარანტიას, რომ მის მიერ გადაცემული საქონელი იქნება შესაბამისი ტექნიკურ მოთხოვნებთან და შესაფერისი იმ მიზნისათვის, რომლისთვისაც ის არის გათვალისწინებული და იმუშავებს სრულიად გამართულად.
- 6.3. შესყიდვის ობიექტის საგარანტიო პირობები მოცემულია დანართ N1-ში.
- 6.4. გარანტიის მოქმედების პერიოდში მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები ექსპლუატაციის პროცესში წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება.

მუხლი 7. მხარეთა პასუხისმგებლობა ხელშეკრულების პირობების შეუსრულებლობისათვის

- 7.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში, შემსყიდველი უფლებამოსილია დააკისროს მას

პირგასამტეხლო შესყიდვის ფასის 0,02%-ის ოდენობით შეუსრულებელი ვალდებულების ყოველი დღისათვის.

7.2. შემსყიდველის მიერ ხელშეკრულებით ნაკისრი ვალდებულების შეუსრულებლობის (ან არაჯეროდან შესრულების) შემთხვევაში, მიმწოდებელი უფლებამოსილია დააკისროს მას პირგასამტეხლო შესყიდვის ფასის 0,02%-ის ოდენობით შეუსრულებელი ვალდებულების ყოველი დღისათვის.

7.3. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან.

მუხლი 8. ხელშეკრულებაში ცვლილების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

8.5. მხარე ვალდებულია 8.4 პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

8.6. ხელშეკრულება ასევე შეიძლება შეწყდეს მხარეთა, ურთიერთშეთანხმების საფუძველზე.

მუხლი 9. ხელშეკრულების ძალაში შესვლა და მოქმედების ვადები

ხელშეკრულება ძალაში შედის მხარეთა მიერ მისი ხელმოწერის დღიდან, 2020 წლის 3 სექტემბრიდან და მოქმედებს 2020 წლის 23 ოქტომბრის ჩათვლით.

მუხლი 10. ფორს-მაჟორი

10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით

ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

მუხლი 11. დავის განხილვის წესი

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 12. დასკვნითი დებულებები

- 12.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 12.2. ხელშეკრულებაში ცვლილებები და დამატებები შეიძლება შეტანილ იქნას ორივე მხარის წერილობითი შეთანხმების საფუძველზე.
- 12.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 12.4. ხელშეკრულება შედგენილია ქართულ ენაზე და ხელმოწერილია ელექტრონულად.

მუხლი 13. მხარეთა რეკვიზიტები და ხელმოწერები

შემსყიდველი	მიმწოდებელი
სსიპ საქართველოს ფინანსური მონიტორინგის სამსახური	შპს „ორიენტ ლოჯიკი“
მის.: ქ. თბილისი, ზ. ფალიაშვილის ქ. N83	მის.: ქ. თბილისი, ბოჭორმის ქ. N18
საიდენტიფიკაციო კოდი: 204 447 330	საიდენტიფიკაციო კოდი: 202 052 054
საბანკო რეკვიზიტები:	საბანკო რეკვიზიტები:
სახელმწიფო ხაზინა	ს.ს. „ბაზის ბანკი“
ა/ანგარიში GE24NB0330100200165022	ა/ანგარიში GE96BS 0000 0000 0593 6872
ბანკის კოდი: TRESGE22	ბანკის კოდი: CBASGE22
სამსახურის უფროსი	დირექტორის მინდობილი პირი
 ვალერიან ხასაშვილი	 ალექსანდრე ბაგრატია

დანართი N1

შესყიდვის ობიექტის დასახელება	წარმოშობის ქვეყანა და მწარმოებელი კომპანია	გარანტიის მოქმედების ვადა	რაოდენობა (ცალი)	ერთეულის ღირებულება	საერთო ღირებულება
1	2	3	4	5	6
მონაცემების გაჟონვის პრევენციის პროგრამული უზრუნველყოფა ("DLP სისტემა")	Forcepoint International Technology Limited Incorporation, ირლანდია	12 თვე	50	77	3850
აუცილებელი მხარდაჭერა DLP მონაცემების გაჟონვის სისტემის საბოლოო მომხმარებლისათვის	Forcepoint International Technology Limited Incorporation, ირლანდია	12 თვე	1	560	560